



सा:गु भिंगु मरिचरिया निति लुमका दिस् !

लक्ष्मण जमाल 'चिलमि' प्रोप्राइटर

लाखा छै
LAKHA CHHEN

सोहखुटे, वडा नं. १६, यै, फोन नं.: ४५६०७५८

थुकि दुने

श्रीकृष्ण महर्जन नेवाः - २

प्रेममान महर्जन - ३

प्रजित शाक्य - ६

किरण शाक्य ४ - ५

नागरिकता ऐन कार्यान्वयनय समस्या शर्तया चाकलय मांया नाम नागरिकता

नागरिकता सम्बन्धी संशोधित ऐन लागू जूगु लत्या बीधुंकलं नं नियमावली तयार मजुनिगुलिं मांया नाम नागरिकता बीगुलिसंया नागरिकता सम्बन्धी प्रावधान कार्यान्वयनय मवःनि । नागरिकता सम्बन्धी ऐन २०६३ यात संशोधन यायत हःगु उगु ऐन जेट १७ गतेनिसै लागू जूगु खः । व धुंकाः सर्वोच्च अदालतं निवाःतक कार्यान्वयनय रोक तःगु खः ।

लहना संवाददाता

असार ७ गते धुंकाः हाकनं व ऐन कार्यान्वयन जूगु खः । नियमावली मनुबलय अबु लुइकेमफुम्ह मनुखं मांया नाम नागरिकता कायूमखनि । अथे हे, गैरआवासीय नेपाली नागरिकनं नागरिकता कायूमफुनि । संशोधित कानून कथं जन्मया आधारय नागरिकता प्राप्त मनुया सन्तान नागरिकता कायू खनाच्चंगु दु । उमित नागरिकता बीत नियमावली पंगः मजु । ऐनय 'मांया नाम नागरिकता बीगु, मातृत्व व पितृत्व ठेगान मडुगु तर नेपाल सरहद दुने बूमह सन्तानयात नागरिकता बीगु, विदेशीलिसे इहिपा याःम्ह नेपाली नागरिक मिसापाखे बूमह सन्तानयात नागरिकता बीगु, गैरआवासीय नेपाली नागरिकयात नागरिकता बीगु प्रावधान दु । नियमावली तयार जुयाः मवःगुलिं थ्व प्रकृतिया नागरिकता मबियानि' यलया प्रमुख जिल्ला अधिकारी रुद्रप्रसाद पण्डितं धयादिल । मांया नाम नागरिकता बीगु कानून वल धकाः सिफारिशसहित वइपिन्त आः लित छ्वय्माःगु नं प्रमुख जिल्ला अधिकारी पण्डितया धापू दु ।



ऐनय क्वःज्यूगु (तोकिएको) धयातःगु दु । मनुया मां मयधुंकूगु वा धइगु शब्दावली दुगुलिं नियमावली व कार्यविधि दय्काः क्वःछीमाःगु याय्माः । स्वघोषणाया ढाँचा मडुगुलिं

धामे यैया प्रमुख जिल्ला अधिकारी जितेन्द्र बस्नेतं नियमावली दय्केधुंकाः नागरिकता ऐनं कःधाःगु दक्वं प्रावधान शुरु जुइगु धयादिल । ऐनय मांया नाम नागरिकता कायूत अबु ठेगान मडुगु धकाः क्वःज्यू कथं स्वघोषणा, अबु विदेशी जूगुलिइ अबुया ठेगाना नागरिकता मकाःगु क्वःज्यू कथं स्वघोषणा धकाः

जुइगु धाःगु दु । ऐन कथं नागरिकता बीत श्रावण निगूगु वालयतक नियमावली तयार जुयाः वइगु जानकारी वःगु नं प्रजिअ बस्नेतं धयादिल । गृह मन्त्रालयं थ्वयां न्हयः भर्चुअल बैठकमार्फत ७७गुलिं जिल्लाया प्रमुख जिल्ला अधिकारीलिसे नियमावली लिसंया विषयस सहलह याःगु खः ।

मांया नाम जक नागरिकता कायूत प्यंगु शर्त धाःसा ऐनं तःगु दु । नेपालया नागरिक मांपाखे नेपालय जन्म जूगु, नेपालय हे बसोबास याःगु, अबुया पहिचान जुइमफूगु व अज्याःगु पहिचान जुइ मफूगु धासें स्वघोषणा याःम्ह मनुखं मांया नाम जक वंशजया नागरिकता कायूफइ । अबुया पहिचान जुइमफूगु व्यहोराया नागरिकता काइम्ह मनु वा क्या मामं स्वघोषणा याय्माःगु प्रावधान ऐनय दु । संविधानं धाःसा मांया नाम जक नागरिकता कायूत अबुया पहिचान मजुगु जुइमाःगु व्यवस्था याःगु खः । व व्यवस्था कार्यान्वयन यायूत थ्व ऐनं अबुया पहिचान ल्यं ७ पेजय

उपप्रमुख सुनिता डंगोलपाखे 'बुक फ्रि फ्राइडे' निरीक्षण

यै महानगरपालिकाया उपप्रमुख सुनिता डंगोल 'बुक फ्रि फ्राइडे' ज्याइवः न ब्वैमिपिनिगु ज्ञानया दायरा अप्वःगु दु धका धयादीगु दु । महेन्द्र माध्यमिक विद्यालयय 'बुक फ्रि फ्राइडे' (पुस्तकविहीन शुरुवाः) ज्याइवःया क्रियाकलाप निरीक्षण लिपा वय्कलं अथे धयादीगु खः ।

उपप्रमुख डंगोल

Trendiest Fashion At Price You Love

ufo the clothing store

Himalayan Ice

तान्त्र्या पासा कुल्फी/आइसक्रिम भणिया दिसे ।

चोको बार १ कस किन्दा २०० को थुवा कुल्फी ५० पिस फ्रि ५००० आइसक्रिम १० पिस किन्दा २० को १०० पिस कुल्फी फ्रि

मिल्की बार १ कस किन्दा २० को १०० पिस कुल्फी फ्रि २० कसकी १०० पिस किन्दा २० को १०० पिस कुल्फी फ्रि १० कुवा कुल्फी २०० पिस किन्दा २० को १०० पिस कुल्फी फ्रि

५०% डिपोजिटमा फ्रिज उपलब्ध छ ।

सुविचार्यक नगरपालिका, वडा नं. १, सिकदार् बस्नार, काठमाडौं



नेवाः राष्ट्रिय म्ये

च्वमि : दुर्गालाल श्रेष्ठ लय् चिनामि : तिर्थ माली

धुन दने धुन सँन्ट्यलं भी फुककं हे छम्ह जुइ धुन
भीगु लागाय् भी स्वयं हे जः जुया धुन लुइ धुन
ह्यांगु भुमिइ अष्टमण्डल ह्यांगु चाः दुने थी नगु
भीगु नेवाः ध्वाँय् थ्व हे खः ज्यान भी सकस्यां छगू
जातितय् स्वायत्त राज्यं लुइ कर्पं च्वय् भिलिमिलिं
राष्ट्र भःभः धाय्क न्ह्याके भीगु चःतिं भीगु हिं

सम्पादकीय



नेवाः ज्याइवः स्व जक स्वयां मगाः प्रतिक्रिया बियाच्चनेगु बानी नं याय्

सकारात्मक खँ सिबें नकारात्मक खँ अप्वः वयाच्चनी भीगु न्ह्यःने। छुं बांलाःगु जूगु स्वयां अप्वः बांमलाःगु जूगु वा जुइमाःगु मजगु खँ अप्वः जुयाच्चनी। सकारात्मक खँ धइगु हे मजुइगु ला मखुनि तर, परिस्थिती भीत अप्वः नकारात्मक दय्काबिल थें च्वं। अले सकारात्मक सिबें नकारात्मक खँ अप्वः खनाच्चनीगु जक खः। छ्वाःख्यरं स्वल धाःसा सकारात्मक खँ नं यक्वं जुयाच्चं। थ्व हे दथुइ छगू सकारात्मक व बांलाःगु खँ छगू वःगु दु। छगू लसताया खँ थौं छिलिसे इनेत स्वयाच्चना। थ्व खँ न्यनाः छि नं पक्कां लय्ताइ जुइ। माउन्टेन टिभिइ नं नेपालभाषाया बुखँ वइगु जुल।

थौंया दिनय् स्वल धाःसा नेवाः टिभि च्यानल हे प्यंगू दय् धुंकल। न्हापा नेपालमण्डल टिभि जक दुगुलिइ आः वयाः नेवाः टिभि, भीगु नेपाः च्यानल, नेपाः टिभि नं दय्धुंकल। ख्वपया भादगाउँ टेलिभिजनय् नेवाः गतिविधि व नेपालभाषायात यक्व थाय् बियातःगु दु। अथे हे, इमेज च्यानलय् नं सुथय् १०ताः इलय् नेपालभाषाया बुखँ व वालय् छकः ख्वताबजि सिरियलयात थाय् बियातःगु दु। आः वयाः माउन्टेन टेलिभिजनं नं नेपालभाषाया बुखँयात थाय् बिल। एफ एम रेडियोय् ला यक्वसिनं थाय् बियातःगु दु। संचार क्षेत्रया विकास लिसें संचार क्षेत्रय् नेपालभाषाया नं विकास जुयावंगु धाय्माः।

थुकिया दथुइ छुं छुं नकारात्मक खँ नं मल्हासैं गाइमखु। इमेज च्यानलय् न्हापा सुथय् व बहनी यानाः हिं निकः नेपालभाषाया बुखँ प्रसारण यानावःगुलिइ आः सुथय् छकः जक यानाच्चंगु दु। अथे हे, समयबजि ज्याइवःया प्रसारण नं दीधुंकल। सगरमाथा टेलिभिजनय् प्रसारण जुयाच्चंगु नेपालभाषाया बुखँ नं दीधुंकल। नेपाल टेलिभिजनय् प्रसारण जुयावःगु नेवाः दबू, स्वयंगु मखुला लिसैंया ज्याइवः थौं निरन्तर मजुइधुंकल। नेपाल टेलिभिजनय् हे प्रसारण जूगु दकले न्हापांगु नेपालभाषाया ज्याइवः हसना तनेधुंकल।

उकिया नापं आः प्रसारणय् दुगु नेवाः टिभि च्यानलया हे नं खँ ल्हाय्। नेपालमण्डल टेलिभिजन, नेवाः टिभि, भीगु नेपाः च्यानल गुगु अवस्थां न्ह्यानाच्चंगु दु? न्हूगु च्यानल नेपाः टिभियात गुलितक अःपु वा थाकु? थज्याःगु खँय् नं भीसं बिचाः याय्माःगु अवस्था दु। प्रसारण जूगु वा न्ह्याःगु तःधंगु खँ मखु धाःसां ज्यू। निरन्तरता तःधंगु खँ खः। निरन्तरता दकले तःधंगु हाथ्या खः। निरन्तरताया नितिं लगानीकर्ता वा उगु च्यानल, ज्याइवः, बुखँ टीमय् ज्या याइपिं, मार्केटिङ्ग टीम जक सक्रिय जुयां मगाः। दर्शक वा भी आम नेवाःतय्सं उकी तिबः बी फय्केमाः। स्व जक स्वयंगु मखु, उकी प्रत्यक्ष प्रतिक्रिया बीगु, सामाजिक संजालय् शेयर याय्गु, कमेन्ट याय्गु कथंया ज्या यानाः मेपिन्त नेवाः ज्याइवः, नेवाः बुखँया दर्शक संख्या बांलाः धइगु प्रमाण बीमाः। मखु धइगु खःसा नेवाः संचारकःमि, पत्रकार वा लगानीकर्ता नं 'ग्व, छिमिगु ज्याइवः सुनां स्वः, छिमिगु बुखँ सुनां स्वः' धकाः ध्याचू नय्मालीगु स्थिती दयाच्चनी। अले ज्याइवः, बुखँ दिनावना हे च्वनी।

आत्मनिर्णयया अधिकारया नितिं हिउपाःया सम्वाहक युवा



श्रीकृष्ण महर्जन नेवाः

दैय्दसं विश्व आदिवासी दिवस हनेगु इवलय् संयुक्त राष्ट्र संघं छगू कथंया नारा बीगु यानाच्चंगु दु। अले दक्खिंयकं व हे नाराया लिधंसाय् आदिवासी जनजातिसें थःपिनिगु गतिविधि केन्द्रीत याय्गु यानावःगु दु। वइगु साउन २४ गते ३१क्वःगु विश्व आदिवासी दिवस हनेगु तयारी यानाच्चंगु दु। दैय्दसं अगष्ट ९ यात विश्व आदिवासी दिवस कथं हनावःगु दु। थुगु दियात विश्वया आदिवासीतसैं छगू तःधंगु अन्तर्राष्ट्रिय पर्व कथं हनावःगु खनेदु।

छाय् हनी विश्व आदिवासी दिवस ?

विश्वया ९०गू देशय् दुपिं आदिवासीतय्गु कूल जनसंख्या ३७ करोड अर्थात ५ प्रतिशतया अनुमान दु। तर दकले अप्वः गरिव जनसंख्याय् आदिवासीतय्गु हिस्सा १५ प्रतिशत दु। हलिमय् ल्हाइगु कुल ७ हजार भाषामध्य् आदिवासीतय्गु भाषा जक यक्व दु। उमिगु ५ हजार भाषा थीथी सभ्यतां प्रतिविम्बित यानाच्चंगु दु धाइ। आदिवासीतसैं अभ्यास यानावःगु विशिष्ट संस्कृति छगू पुस्तां मेगु पुस्तायात हस्तान्तरण यानावःगु दुइ। उमिगु संस्कृतिं मनू व वातावरणयात स्वाय्गु नितिं तःधंगु भूमिका म्हित्ताच्चंगु दुइ। ब्यागलं ब्यागलं कथंया आदिवासीतय्गु दथुइ तःताजि संस्कृति खनेदु।

आदिवासीतय्सं ता ई न्ह्यःनिसैं पहिचान, जीवनशैली व उमिगु बसोबास यानावःगु परम्परागत भूमि, भूगोल व प्राकृतिक स्रोतयात कया यानावःगु दावीयात मेमेपिन्सं नं नालाकयाबीमाः धकाः चाहना यानावःगु दु। तर इतिहास स्वल धाःसा आदिवासीतय्गु अधिकारयात न्हयान्हिथं हनन यानावःगु खनेदु। थौं आदिवासीत सम्भवतः विश्वया दकले सुविधाविहिन व जोखिमपुर्ण समुदायया रुपय् दु। आः वयाः विश्व समुदायं उमिगु अधिकार, विशिष्ट संस्कृति व जीवनशैलीयात संरक्षण याय्त विशेष पलाः ल्हवनेमाःगु महसूस यानाहःगु दु। आदिवासीया आवश्यकताबारे जनचेना अप्वय्केत अगष्ट ९ यात दैय्दसं विश्व आदिवासी दिवस हनावःगु खः। थ्व दिवस सन् १९८२सं जेनेभाय् च्चंगु संयुक्त राष्ट्रसंघया आदिवासी कार्यकारी पुवःया मुँज्यां निर्णय याःगु खः।

अन्तर्राष्ट्रिय दिवस छाय्:

अन्तर्राष्ट्रिय दिवस सर्वसाधारणयात तर्कं आमच्युताःया मुद्दाय् शिक्षित याय्गु हलिन्त्यकं समस्या सम्बोधन याय्त राजनीतिक इच्छाशक्ति ब्वलंकेगु नितिं खः। नापं स्रोत परिचालन याय्त, मानव जगतं हासिल याःगु उपलब्धियात थप सबल याय्त व अवसरयात न्ह्यःने यंकेत दिवस हनेगु यानावःगु खः। अन्तर्राष्ट्रिय दिवस संयुक्त राष्ट्रसंघया स्थापना न्ह्यः नं हनेगु याः। तर, संयुक्त राष्ट्र संघं सम्बन्धित विषयस

शक्तिशाली वकालत याय्त अन्तर्राष्ट्रिय दिवसयात ज्याभःया रुपय् नालावःगु दु। आदिवासीतय्गु हकय् आदिवासी अधिकार स्थापित याय्त, इमिगु ज्ञान शिपयात न्ह्यःने यंकेत, आदिवासीतसैं हलिंया नितिं यानावःगु योगदानयात चर्चा याय्गु नितिं खः धकाः धाय्फइ।

आदिवासी आन्दोलनया मूल मुद्दाः

विकास व सतक विस्तारया नामय् सरकारं आदिवासी जनजातिया जल, जमिन, जंगल व खनिज पदार्थ प्राकृतिक स्रोतत ध्वस्त याय्गु व वातावरणय् न्हास हय्गु, अनाधिकृत कथं जनजातिया सांस्कृतिक व ऐतिहासिक सम्पदानापं सभ्यतायात ध्वस्त याय्गु, जनजातिया पुख्क्यौली भूमियात कब्जा याय्गु उमित विस्थापित याय्गु ज्या यानावःगु दु।



आदिवासी जनताया विरोधया दथुइ नं फाष्ट ट्र्याक निर्माण याय्गु, विद्युतिय लाइन प्रसारण, सुख्खा बन्दरगाह निर्माण, नापं स्मार्ट सिटी विकासया नामय् ख्वनाया नेवाः समुदाययात विस्थापित याय्गु ज्या यानाच्चंगु आदिवासीतय्गु नितिं तःधंगु हाथ्या खः। संसदं पास याःगु एमसीसी परियोजना सम्झौतां प्रभावित जुइगु समुदाय धइगु नेपालय् आदिवासी जनजाति हे खः। उकिया विरुद्ध यैं जिल्लाय् दुने लाःगु शंखरापुर नगपालिकाया तामाडत ताः ई न्ह्यःनिसैं आन्दोलनय् कुहां वयाच्चंगु दु। अन निसः परिवार न्हियान्हिथं आन्दोलनय् वयाच्चंगु दु। आःया इलय् आदिवासीतलिसे सरोकार दुगु आदिवासी जनजाति आयोग, भाषा आयोग, समावेशी आयोग, आदिवासी जनजाति उत्थान प्रतिष्ठान, गुम्बा विकास समिति लगायत दु। थुज्वःगु निकायं सत्ता पक्षया नितिं ज्या याइ, आदिवासीतय्गु नितिं खास हे ज्या मयाः धकाः धाय्गु यानाचवंगु दु। उकिं आदिवासीतय्गु मुद्दायात कयाः थज्वःगु निकायं नं ध्यान बीमाःगु आवश्यकता दु।

थुगुसीया नाराः

दैय्दसं विश्वया ध्यान सालेगु नितिं आदिवासी दिवस हनेगु इवलय् संयुक्त राष्ट्रसंघं छगू छगू नारा बीगु यानाच्चंगु दु। उगु नारा विश्वन्यकं थ्वय्केगु अले उकियात कयाः हे थीथी ज्याइवः याय्गु यानाच्चंगु दु। थुगुसी संयुक्त राष्ट्रसंघं ब्यूगु नारा धइगु 'आत्मनिर्णयया अधिकारया नितिं ह्युपाःया सम्वाहक युवा' तयार याःगु दु। थ्व हे नारा कथं हलिन्त्यकं थीथी ज्याइवः याना हनेगु तयारी यानाच्चंगु दु। संयुक्त राष्ट्रसंघं थुगु नारा ब्यूगुया ल्यूने आदिवासी अधिकार सम्बन्धि संयुक्त राष्ट्रसंघीय घोषणा पौ लगायत अन्तराष्ट्रिय सन्धि सम्झौतां आदिवासीतय्गु नितिं आत्मनिर्णयया अधिकार मौलिक हकया रुपय् बियातःगु आधारय् धाय्छि। हलिन्त्यकं जलवायु परिवर्तनया लिच्वः,

वातावरण प्रभाव नापं आदिवासीतय्गु भूमि, भूभाग व भूक्षेत्र दुनेया खनिज व प्राकृतिक स्रोत साधनयात दोहन यानाच्चंगुलिं आदिवासतय्गु भविष्य तःधंगु लिच्वः लाइगु संभावना दु। न्यायलय् पहुँच मदुगु, परम्परागत आध्यात्मिक आस्थाय् न्ह्याःवनाच्चंगु, भाषा संस्कृति न्हंकाछ्वय्गु लगायत विभेदकारी शिकार जुयाच्चंगु धइगु राष्ट्रसंघया स्थानीय मज्जया च्यूताः खः। संयुक्त राष्ट्रसंघं विश्वन्यकया फुक्कसिगु नितिं जारी याःगु आदिवासी जनजाति सम्बन्धी संयुक्त राष्ट्रसंघीय घोषणा पत्र युएनडिपय् स्पष्ट रुपं आदिवासीतय्गु हकय् आत्मनिर्णयया अधिकार दइ धकाः च्वयातःगु दु। उगु घोषणा पौया धारा ३स आदिवासी

जनजातियात आत्मनिर्णयया अधिकार दु, व अधिकारया कारणं उमिसं थःगु राजनीतिक स्थितिवारे स्वतन्त्रकथं निर्णय याय्फइ व थःगु आर्थिक, समाजिक व सांस्कृतिक विकासया मालेज्या याइ धकाः च्वयातःगु दु। अथे हे धारा ४स आदिवासी जननजातियात उमिसं आत्मनिर्णयसम्बन्धी अधिकार उपभोग याइगु अवस्थाय् थःपिनिगु आन्तरिक नापं स्थानीय मामिलानाप स्वापू दुगु खँय् व थःगु स्वायत्त लागाय् लगानी याय्गु उपाय व माध्यमं स्वायत्त जुइगु वा स्वशासनया अधिकार दइ। २००७य् पास याःगु थुगु घोषणा पतिइ आदिवासीतय्सं थःगु लागाय् सामुहिक भूमिया सवालय् थःपिन्सं हे निर्णय याय्गु अधिकार दइ धाःगु खः। आन्तरिक रुपं धाय्गु खःसा थःपिनिगु सामाजिक सांस्कृतिक राजनीतिक धार्मिक नापं मेमेगु ख्यलय् नं थःपिन्सं हे निर्णय याय्गु अधिकार दइगु खः। अले पिनेया पक्षं सरकार जुइफु बाय् मेगु छुं नं पक्षं थःपिनिगु भूमिइ वयाः ज्या याय्माल धाःसा पूर्व जानकारी मन्जुरी मकाःसे याय् मदइगु खः। थ्व निगू कथंया आत्मनिर्णयया अधिकार आदिवासी जनजातिया हकय् स्वानाच्चंगु खनेदु।

थौं संयुक्त राष्ट्रसंघं आत्मनिर्णयया अधिकारया नितिं ह्युपाःया संवाहक युवा धकाः नारा बियाच्चंगु अवस्थाय् सरकारं आदिवासीतय्गु थुगु कथंया नारायात गुगु कथं स्वइ। आदिवासीतय्गु थुगु मुद्दायात सकारात्मक रुपं काइ कि मकाइ अले आदिवासीतय्गु अधिकारया सवालय् सकारात्मक जुयाः राज्य न्ह्याः वनी कि मवनी धइगु सवाल खः। अथे हे राष्ट्रसंघं बीगु थुकथंया नारायात कयाः नेपाःया आदिवासी जनजाति संघसंस्थां थःपिं नापं युवातय्त गुगु कथं परिचालन याइ धइगु सवाल नं प्रमुख विषय खः। थुगु खँय् आर्विनिसैं बिचाः यानाः विश्व आदिवासी दिवसयात तःजिक हनेमाःगु थौंया आवश्यकता खः।

પ્રેમ માન ડાંગોલ

श्रावण महिनाय
लट्छिर्यंक महाःघःयात
हनेगु भवलय्
महाःघःयात अभिषेक
याय्त बोलबम धाधं
या.गु यात्रा नं श्रावणी
मेलाया नामं चर्चित
जुयाच्चंगु दु ।
न्यागू रानेन्द्रीय,
न्यागू कर्मेन्द्रीय
व अन्तस्करणनिसें
हे शुद्ध पवित्र जुयाः
याइगु बोलबम यात्रा
भारतया बैघनाथ धामं
शुरु जूगु खः । नेपाःया
तराईवासीतय्सं थ्व
बोलबम स्वनिगलय्
दुतहःगु खः । दकले
नहापां बोलबम काँवरिया
संघं न्हयाकूगु बोलबम
यात्राय् १३म्ह जक
भक्तजनतय्सं ब्वति
कयाः सुन्दरीखुसिं जल
क्वबिया हयाः पशुपति
महाःघःयात छाःगु खः ।



नेवाःतय्सं पाहाँचःन्हे, सिलाचःन्हे, बालाचःन्हे व
थीथी नखःचखलय् थःगु हे पहलं महाःघःयात
हनावःगु दु । श्रावण महिनाय् लाइगु गुंपुन्हि
नखःबलय् महाःघःयात हनेगु भवलय्
नेवाःतय्सं सिलु तीर्थय् तकं वनेगु यानाच्चंगु
दु ।

ब्वनाः नकेगु याइ ।

श्रावण महिनायात महाद्यःयात
यःगु महिनाया रुपय् कयातःगुलिं फुसा
लच्छियंक, मफुसा श्रावण महिनाया
सोमबाः पतिकं जूसां अपसं च्वनाः
महाःद्यःया पूजा यात धाःसा सन्तान
मदुपिनि सन्तान दइगु, निर्धनतय् धन
दइगु व अविद्यां ग्रस्त जुयाच्चीपिन्त
विद्या प्राप्त जुइगु अले विद्वानया
रुपय् लोकंत्वाइगु मान्यता दु । श्रावण
महिनाया सोमबाःया व्रत याय्वं धर्म
नं लाइगु खँ धर्म शास्त्रय् थुकथं
न्हयथनातःगु दुः
सोमवारे व्रतं कार्य श्रावणे वै यथाविधि ।
शक्तेनो पोषणं कार्यमथवा निशि
भोजनम् ॥
अपुत्रो लभते पुत्रान्निर्धनो धनवान्
भवेत् ।
अविद्यो लभते विद्यामिति धर्मविदो
विदुः ॥

श्रावण महिना ज्वःछि मेला जुइगु
नेपाः व भारतय् दुगु प्रशिद्धगु महाःद्यःत
थथे दु, - श्री पशुपति महाःद्यः व
थीथी थासय् दुपिं ६४ शिवलिङ्ग,

भारतया ज्योतिर्लिङ्गत, वैद्यनाथ धाम,
काशी विश्वनाथ, रामेश्वरम्, सोमनाथ,
मल्लिकार्जुन, महाकाल, केदारनाथ,
भीमशंकर, ऋद्धकेश्वर नागेश, घुश्मेश्वर
व ओम्कार तीर्थय् अर्थात् महाःद्यःया
थ्व १२ ज्योतिर्लिङ्ग पीठय् मेलाया
रुपय् लच्छिख्यं तःधंगु मेला जुइसा
बोलबमया नाम् महाःद्यःयात गंगाजल
छाय्बलय् अश्वमेघ यज्ञ याःगुति
ग्यनीगु, व उगु हे कथंया फल दइगु
मान्यता द ।

श्रावण महिनाय् महाःद्यःया नापं
पार्वतीया नं आराधना याइ। श्रावणया
अर्थ न्यनेगु जूवनी। अथेजुयाः थ्व
इलय् थीथी थासय् व त्वाःत्वाःपतिकं
नं चतुर्मास महात्म्य कनेगु याइ। थ्व
महात्म्य न्यनेमाः, महात्म्य न्यनेबलय्
ज्ञान दइ। थ्व हे कारणं श्रावणयात
अतिकं उत्तम महिनाया रुपय् कयातःगु
दु। श्रावण महिनाय सल्हूनिसें वर्षा
ऋतु नं शुरु जुइ, सुर्यः नं दक्षिणायनय्
वनी। अथे जुयाः थ्व महिनाय् श्रीधर
नारायण, कान्तिमती, लक्ष्मी, गभास्ति
सूर्यया पूजा याइ। विशेष यानाः थ्व

इलय् लक्ष्मीया पूजा याय्बलय् लक्ष्मी
प्रश्न जुयाः महाःद्यःयात याःगु
उपासना सफल जुइ धकाः शास्त्रय्
वर्णन यानातःगु दु । महाःद्यःया पूजा व
साधना याय्त विशेष यानाः सोमबाः
व श्रावण महिना अले सिलाचःहेयात
अतिकं उत्तम माने यानातःगु दु । थ्व
पर्वय् महाःद्यः व पार्वतीया उपासनां
सुख, शान्ती दइगु जीवन आनन्दं
न्ह्याःवनीगु अले तिपु जीवन सुखमय
जुयाः भाःतया आयू बृद्धि जुइ धयागु
मान्यता दु ।

श्रावण महिनाय् लच्छिख्यं
महाःद्यःयात हनेगु इवल्य् महाःद्यःयात
अभिषेक याय्त बोलबम धाधां या.गु
यात्रा नं श्रावणी मेलाया नामं चर्चित
जुयाच्चंगु दु । न्यागू ज्ञानेन्द्रीय, न्यागू
कर्मेन्द्रीय व अन्तस्करणनिसें हे शुद्ध
पवित्र जुयाः याइगु बोलबम यात्रा
भारतया बैद्यनाथ धामं शुरु जूगु
खः । नेपाःया तराईवासीतय्सं थ्व
बोलबम स्वनिगल्य् दुतहःगु खः ।
दकले न्हापां बोलबम काँवरिया संघं
न्त्याकूगु बोलबम यात्राय् १३म्ह
जक भक्तजनतय्सं ब्वति कयाः
सुन्दरीखुसिं जल क्वाबिया हयाः पशुपति
महाःद्यःयात छाःगु खः । आः वयाः
द्वलद्वः भक्तजनतय्सं ब्वति काय्गु
यानाहल । गेरु वस्त्र पुनाः, ब्वहलय्
खःमू थें पंया काँवर कुबियाः निगः
चायागु कलशय् जल जायक तयाः
चांगा तुतिं न्यासि वनाः, अपसं च्वनाः
बोलबम नारा थ्वय्काः सुन्दरीजलनिसें
वयाः पशुपति महाःद्यःयात जल छाय्
हइ । गुरुपुन्हिनिसें गुंपुन्हितक मेला
जुइगु बोलबम निगू कथंया दु । छगू
डांक बम व मेगु साधारण बम ।

डांक बम धाःपिन्सं सुन्दरीजल
खुसिया मुहानं जल हय्धुकाः गनं
नं दिकेमज्यू। उर्पिं न्त्यकुन्हु हे
म्बःल्हुयाः शुद्ध जूग जुइमाः। लैय् मुं
नापं खँ ल्हाय्गु, लः त्वनेगु, नय्गु, व
खिच्च नं फाय्गु याय्मज्यू। साधारण
बोलबमतय्सं धाःसा लैय् खँ ल्हाय्गु,
शौचालय वनेगु, नय्पित्याःसा जल
घडा तजाःगु शुद्ध थासय् तयाः नय्
त्वनेगु याइ। बोलबमतय् नकेत लैय्
दथुइ थाय्थासय् व्यवस्था यानातःगु
दइ। थथे बोलबम यात्रा वनीपिं
भक्तजनतय्गु जाति, भाषा व मेगु ह्छं
नं कथंया भेदभाव दइमखु। बोलबमय्
विधिवंक ब्वति काःसा चिनी ल्वय्,
रक्तचाप, जण्डिस, कब्जियत थेंज्याःगु
ल्वय् नं लनीगु विश्वास यानातःगु द्द।

[illegible]



राम प्रजापति
प्रोप्राइटर

हारती मिठाई भण्डार

(शुद्ध शाकाहारी)

कालिमाटी चौक, टंकेश्वर मार्ग, काठमाडौं ।
फोन नं. : ०१-५३७२१९९, मो. ९८०३९८०६९९

यहाँ:- विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईहरू तयार गरिन्छ ।

जात्रापर्व संरक्षण याय्त अक्षयकोष मखु, द

गुठी संस्थानया प्रशासन प्रमुख किरण शाक्य, वय्कः संस्थानय् नियुक्त जूगु निर्दे पवन। नेवाः आन्दोलनय् नं न्ह्यज्यानाच्चव्हं किरण शाक्य गुठी संस्थानय् थ्यनेधुंकाः विशेषतः नेवाःतय्सं यक्व हे आशा काःगु खः। निर्दया दुने वय्कलं छु गुलि ज्या यानादिल लिसैं निर्दे दुनेया वय्कःया अनुभव इत्यादि विषयस केन्द्रीत लहना वाःपौया प्रधानसम्पादक नृपेन्द्रलाल श्रेष्ठ वय्कःलिसे यानागु खँल्हाबल्हाया सम्पादित अंश न्ह्यब्वयाच्चवना - सं.।

❧ दकले न्हापां छि गुठी संस्थानय् नियुक्ति जूगु निर्दे थ्यंगुया भित्तुना, निर्दया इवलय् छिगु अनुभव गथे जुल ?

अनुभवया खँ ल्हाय्बलय् गुठी संस्थान नेवाः समुदाययात उलि यःगु संस्था मखु। छगू इलय् भीसं गुठी संस्थान खारेज याय्माः धकाः आन्दोलन यानागु खः। व हे थासय् कार्यकारी जुयाः ज्या याय्गु ह्वःताः दत। निर्दया अनुभवया खँ ल्हाय्बलय् छु ई ला थ्वं छु ज्या याइ धकाः थुइकेत हे ई वन। थन थीथी कथंया ज्या जुइ। छखे थन संस्कृति, सम्पदा, जात्रापर्वया ज्या जुइसा मखे जात्रापर्व, संस्कृति, सम्पदालिसे स्वानाच्चंगु जग्गाया व्यवस्थापन याय्माःगु जिम्मेवारी नं संस्थानय् दु। निगू बिस्कं कथंया ज्या याय्माःगु हुनि तत्काल खनेदइगु उपलब्धी दइमखु। संस्थानं न्ह्याकूगु ज्याखं समाजय् छुं कथंया नकारात्मक लिच्चः लाकूसा संस्थानं छुं नं ज्या मयाः धइगु प्रतिक्रिया वइ। संस्थानं नियमित न्ह्याकेमाःगु ज्या निरन्तर न्ह्यानाच्चंबलय् संस्थानं छु ज्या यानाच्चन धइगु खँ कनेत हे थाकुइगु अवस्था दु।

❧ छिगु कार्यकाल दछि ल्यं दनि। थव दछि दुने छिं थव ज्या सिधय्के धइगु छुं योजना दय्कादियागु दु ला ?

योजनागतरुपं धायेबलय् न्हापांगु ला गुठी विधेयक लागू याकेगु खःसा मेगु खँ धयागु संस्थानय् आः कर्मचारीया अभावया हुनिं ज्याखँ न्ह्यःने यंकेत थाक्याच्चंगु दु। अय् जुयाः थव हे दै दुने कर्मचारी पदपूर्ति याय्गु कथं नं ज्या न्ह्यःने यंकाच्चनागु दु। मेगु, निर्दे दुनेया छगू उपलब्धी हे धाय्माः, जिमिसं छगू दरबन्दी हे तयार यानागु दु। व कथं तयार जगू दरबन्दीइ निर्दे निर्देय् थव अनुपातय् थकाय्गु धइगु मापदण्ड तयार यानागु दु। सुनां धाःवय्मा मवय्मा, सरोकारया विषय मखु। संस्थानय् पहुँच दुपिन्त जक मखु, संस्थानलिसे सम्बन्धित गुठीयार, पूजारी, रकमीत सकसिगु हितया लागिं दरवन्दी हित याइ धइगु जिं ताय्कागु दु। थव लिसैं नियमित न्ह्याकेमाःगु गुठीया ज्यात गुगु नं कथंया पंगः मवइगु कथं अभ्र न्हापा स्वयां बांलाक न्ह्याकेगु हे जिगु आज्ञु खः।

❧ गुठी संस्थान व स्थानीय सरकार दथइ गज्याःगु सम्बन्ध दु ?

संविधानया स्पिरिट कथं खँ ल्हाय्गु खःसा कानून मदय्कूनिगु अवस्थाय् थव डेडलक अवस्थाय् हे दु। मखुसा थुकी यक्व हे अधिकार स्थानीय



किरण शाक्य, प्रशासकीय कार्यकारी प्रमुख, गुठी संस्थान

“ संस्थानय् पहुँच दुपिन्त जक मखु, संस्थानलिसे सम्बन्धित गुठीयार, पूजारी, रकमीत सकसिगु हितया लागिं दरवन्दी हित याइ ।

सरकारयागु दु। दक्वं खँ स्थानीय सरकारय् व्यवस्थापन याय्गु धइगु खँ दु। कन्हय् कानून दय्काः वय्धुंकाः गुठी संस्थानया गुलिखे ज्या स्थानीय सरकारं याइ जुइ। आःया अवस्थाय् स्थानीय सरकारं ज्या हे मयाः ला जिं धाय्मखु, तर माःगु ज्याय् स्वयां क्यनेगु ज्याय् मोत व साधन यक्व खर्च यानाच्चंगु दु। छुं ई न्ह्यः यै महानगरया मेयरलिसे नं सहलह जगू खः। वय्कलं कुमारी जात्राया लागिं महानगरं १३-१४ लाख रुपैयाँ खर्च यानागु धयादिल। तर संस्थानं रथ निर्माण लिसेंया ज्या याय्बलय् ५०-६० लाख स्वयां अप्वः खर्च यानागु दु। अथे हे, बुंगद्यःया रथ, बिस्काः जात्रा थुज्वःगु जात्राय् छ्यलेमाःगु रथ, खः दय्केत ला आधा इज्व नं उखेथुखे याय्गु थाय् दइमखु। बीमाःगु खँ बी हे माः, गुकथं पूजा याय्माःगु खः, व हे याय् हे माः।

जिं यै व यल महागनरया मेयरलिसे खँ ल्हानाबलय् जात्रापर्वलिसे सम्बन्धित गुठीयार, रकमी, चिताइदार थुज्वःपिं मनूतय्त मेगु सामाजिक सुरक्षा भत्ता उपलब्ध याकूथें वार्षिक भत्ता उपलब्ध याकेमफइला धइगु

न्ह्यसः ल्हवनागु दु। द्यःयाथाय् पूजारी च्वनीम्ह मनुखं मेगु छुं ज्या यानाः नय् खनीमखु। उर्पि पाक्षिक वा मासिक रुपं द्यःयाथाय् पाः च्वनेमाली तर, उकथं ई बीधुंकाः उमिसं मेगु छुं नं ज्याय् बांलाक ई बी मफइमखु। गन बांलाःगु आम्दानी दु, अन ला समस्या दइमखु तर, गन आम्दानीया व्यवस्था मदु, अज्याःगु थासय् ला कन्हय्या दिनय् व नियम याइपिं मनू दइमखु। थव स्थानीय सरकारया जिम्मेवारी खः। स्थानीय सरकारं तलबया व्यवस्था याय् मफुसां मासिक भत्ता बीत समस्या मदु। करोडौं धेबा अर्थे हे खर्च जुयाच्चंगु दु, छगू निगू करोड थज्याःगु ज्याखँ संरक्षणया लागिं नं खर्च यानाबीत नं इनाप याना।

आः खँ वइ, गुठी संस्थानं जग्गा मियाः वःगु धेबा तयातःगु दु। खः, गुठीं जग्गा म्यगु धेबा कोषया रुपं तःगु दु। उकिया हे ब्याजं गुठी संस्थानं धेबा बियावःगु दु। साँवा सुरक्षित दु। मखु, साँवा हे बीमाः धाल धाःसा ग्वःदै न्ह्याइ धइगु खँ नं निश्चित जुइमाल। साँवा खर्च याय्धुंकाः कन्हय् गुकथं न्ह्याकेगु धइगु न्ह्यसः ला दनी। छगू कालखण्डय् जुइधुकूगु ज्याखँयात आः प्वलाच्चनां जीमखु। थुकी सुया गल्ती खः धइगु इतिहासं मूल्यांकन याइ।

गुठी संस्थानं ब्यगु धेबा मगाः धयाच्चपिन्सं पूजा खर्च जक दत। व लिसे स्वापू दुपिं पूजारी, पुरोहित उमिगु जीवन निर्वाहया आधार जिमिसं बी मफुत। थव आधार बीगु धइगु स्थानीय सरकारं खः। थव हे जात्रा क्यनाः पर्यटक दुकाय्गु खः। बसन्तपुलिइ इन्द्रजात्रा महेनेगु, कुमारी छैं मदइगु खःसा ला पर्यटकत नं टिकट न्यानाः चाःह्य वइमखु जुइ। थव खँया लागिं नं छुं ला खर्च याय्माः।

❧ गुठी संस्थानं जात्रापर्वय् बियावःगु धेबा मगाः धइगु कुंखिना यक्व वयाच्चं, थुकी छिं छु धयादी ?

थव स्वभाविक खः, गाय्तला

गबलें नं गाइमखु। आः स्थानीय सरकार नं जात्रापर्व संरक्षणया नामय् कोष दय्केत न्ह्यज्यानाच्चंगु खनेदु। ५० लाख, १ करोडया कोष ला दय्काबी तर, थुकथं दय्कूगु कोषया धेबा संके ला जीमखु, थुकिया ब्याज संकेगु खः। आः ५० लाखया कोषं वइगु ब्याज न्यागू लाखं जात्रापर्व न्ह्याकेफइ तर, थव ल्याः अप्वय्का यंके ला फइमखु। छायाधःसा कोषया धेबा ५० लाख दुसा व पचास लाखय् हे सिमित जुइ व ब्याज नं पाँच लाखय् हे सिमित जुइ। १० दै लिपा ५० लाखया मुल्यांकन थौंया दिंया ५० हजारया जुइ। गुठी संस्थानया खँ ल्हाय्गु खःसा न्हापा चिकं छमना, दुगु छम्ह, बजि थुलि कीजि धइगु दइ, जब थव दक्वं धेबाय् हिल, न्हापा ला चिकं छमनाया छतका, आः सछिनिसें सत्या तूवः। गुठी संस्थान स्थापना जगू लगभग ५०दै दय् धुंकल। थव स्वयां न्ह्यः नं छुं छुं ज्या जू जुइ तर, गबलेनिसें धेबाय् हिलाः ज्या जुयावल, व हे इलनिसें समस्या ब्वलन। अय्जुयाः भी कोष दय्केत न्ह्याम्ह हे सरकार वःसा खाली कोषय् धेबात इबिल धकाः दंग जुइगु ज्या

“ द्यःयाथाय् पूजारी च्वनीम्ह मनुखं मेगु छुं ज्या यानाः नय् खनीमखु। उर्पि पाक्षिक वा मासिक रुपं द्यःयाथाय् पाः च्वनेमाली तर, उकथं ई बीधुंकाः उमिसं मेगु छुं नं ज्याय् बांलाक ई बी मफइमखु। गन बांलाःगु आम्दानी दु, अन ला समस्या दइमखु तर, गन आम्दानीया व्यवस्था मदु, अज्याःगु थासय् ला कन्हय्या दिनय् व नियम याइपिं मनू दइमखु।

जूस़ा थुकिं हाकनं हाकनं नं समस्या हे ब्वलनी। भीत माःगु धइगु दरवन्दी कायम याय्गु खः। छुं छगू जात्राया लागिं छु छु माः, छु गज्याःपिं मनूत माः, उकिया लागिं दरवन्दीया व्यवस्था याःसा कालान्तरतक्क बांलाइ। आः तःधंगु रथया हे खँ ल्हाय्, गथेकि बुंगद्यःया जात्रा, बिस्काः जात्रा, कुमारी जात्रा। थव ला याय्मखु धाय्मजिल तर, कार्य प्रणालीइ ह्य्पूाः वय्फु। भीसं रथ दय्केमखु, खतय् तयाः जात्रा याय् धाय्फइला ? व ला फइमखु। न्ह्याक्व खर्च जूस़ां व सरोकारया विषय मजुल। जात्रा क्वचाय्केत उलि हे धेबा कायम जुल धाःसा कन्हय् वनाः जात्रा न्ह्याकेफइ मखु। संस्थान व गुठी निगुलिं पक्ष जानाः सहलह यानाः

समस्या ज्यंकेमाः। बजार भाःया खँ ल्हाय्बलय् दैय् ७ प्रतिशतया दरं भाः थर्हावनाच्चंगु अवस्था दु तर, जिमिगु सवालय् जिमिसं निर्देय् १० प्रतिशत नं थकाय् फयाच्चंगु दु। आः बियाच्चवनागु हे थाकूगु अवस्था दु। यलया मतयाःया लागिं म्येय् छम्ह व पूजा खर्च बीमाःगु खः। पुजारी वा मेपिन्त तलव बीगु मखु। संस्थां पूजाया सामान न्यानाबीगु खः व पूजा निरन्तर न्ह्याकेगु खः। आः न्हापा जूस़ा म्येय् छम्ह निसलं वः जुइ। निर्दे न्ह्यः थुकियात धेबाय् ह्य्बलय् प्यद्रःत्या ज्वलिंज्वः जुल। थुकी जिं छुं हदतक अप्वय्काबिया तर थुलिं गाइगु मखु। जिमिसं ४सत्या प्रतिशत थकाःसां गाइगु अवस्था मखु। न्हापा धेबा थिकेय् सामान दं तर आः सामान थिकेय् धेबा दन। अय्जुयाः जबसम्म भीसं माःगु सामग्रीयात धेबाय् हिलाच्चनी, उबलय्तक समस्या ज्यनीमखु।

❧ गुठीया जग्गाया रैकर परिवर्तनं सांस्कृतिक संरक्षणय् गज्याःगु प्रभाव लाकूगु दु ?

गुठी संस्थानया स्थापना गुकथं जुल धइगु सन्दर्भय् छगू कारण गुठीया जग्गा नं



खः धाय्फइ। २१ सालय् महेन्द्र भुमिमुधार लागू याःगु खः, गुगु भुमिमुधारय् म्हय्या बाँडफाँड जगु दु। मूलतः उगु इलय्या भीगु समाज, दरवार, राजनीतिइ हावी जुइगु धइगु धर्म हे खः, हिन्दू धर्म, बडागुरुजु, राजपुरोहित हे खः। तत्कालीन इलय् द्यःया नामय् छायाधुकूगु जग्गाया आयस्ता थःपिन्सं नय्मज्यू धइगु मान्यता दुगु खः। व जग्गा नःसा पाप लाइ धइगु बिचाः दुगु खः। थव द्यःयात छाःगु जगुलिं थुकिं वइगु देवस्व गुगु ज्याया लागिं तःगु खः, व हे ज्याय् खर्च याय्गु, भीसं राज्यया कोषलिसे थुकियात स्वाय्मज्यू व स्वात धाःसा पाप लाइ धइगु गुगु धर्म दर्शन दु, उकिं हे गुठी संस्थानया जन्म जगु खः। अभ्र पिने स्वय्गु खःसा उबलय् सत्ता राजपुत राणातय् ल्हातय् दुगु इलय् गां हे छम्ह मनूया नामय् याय्गु अले ज्या याय्त धर्म न्ह्यःने तय्गु। थुगु ढंगं जग्गाया स्वरुप क्वःजित।

स्वनिगलय् मल्लकालीन, लिच्छवीकालीन न्ह्यागु नं राज्य वा शासनया जुइमा, ततःधंगु जात्रात आः नं मल्लकालीन तरवार न्ह्यःने

दरबन्दीया त्‍यवस्‍था जुइमाः - किरण शाक्य

“ आः स्थानीय सरकार नं जात्रापर्व संरक्षणया नामय् कोष दय्केत न्ह्यज्यानाच्चंगु खनेदु । ५० लाख, १ करोडया कोष ला दय्काबी तर, थुकथं दय्कूगु कोषया धेबा संके ला जीमखु, थुनिया ब्याज संकेगु खः । आः ५० लखया कोष वइगु ब्याज न्यागू लाखं जात्रापर्व न्ह्याकेफइ तर, थ्व ल्याः अप्वय्का यंके ला फइमखु । ”

तयाः जात्रा यानाच्चंगु नं द हे दनि । खड्गसिद्धि जात्रा, थ्व दक्वं जात्रात सत्तालिसे स्वानाच्चंगु दु । थःके दुगु आस्था कायम यानातय्मफुत धाःसा उपिं थन च्वनेफइगु अवस्था दइमखु । राज्यालिसे स्वानाच्चंगु जुयाः ततःधंगु जात्रात नं राज्य व जग्गाजमिनलिसे स्वतः स्वानाच्चंगु दइ । थुकथं राज्यालिसे स्वानाच्चंगु गुठी जग्गाय् रैकर कायम याय्गु धइगु थ्व फरक खँ खः । स्वनिगःया जग्गाय् म्हय् कायम याकेगु, रैकर याकेगु खःसा थन यक्व जग्गा ल्यं दनिगु अवस्था मदु । थुकी गुठी संस्थान जक दोषी खःकि

जूगु इलय् लाख धयागु यक्व खः । अय्जूबलय् गुठीयारत म्हय्तय्सं नं जग्गा मियाछ्वत । व जक ल्यंकेफुगु खःसां जग्गां वःगु धेबां जात्रा याउँक याय्फइगु खः । जिगु बिचालं आः लगभग लगभग स्वनिगःया जग्गाया ८० प्रतिशत फुइधुंकल । आः २० प्रतिशत ति जग्गा ल्यं दनिगु अवस्था खः ।

२१ सालया ऐनय् गुठी जग्गाय् म्हय् धइगु हे मदु, म्हय्या परिकल्पना हे मखु । संशोधन यानावंबलय् म्हय् तय्गु जक मखु, जग्गाया मूल्यांकन यानाः मी तकं फइगु कानुन वल । २०६४ सालय् सर्वोच्चं छगू आदेश जारी मयाःगु खःसा



“ २१ सालया ऐनय् गुठी जग्गाय् म्हय् धइगु हे मदु, म्हय्या परिकल्पना हे मखु । संशोधन यानावंबलय् म्हय् तय्गु जक मखु, जग्गाया मूल्यांकन यानाः मी तकं फइगु कानुन वल । २०६४ सालय् सर्वोच्चं छगू आदेश जारी मयाःगु खःसा थौं गुठीया छक् नं जग्गा ल्यं दइमखु । ”

गुठीयारत नं दोषी खः धइगु अध्ययन याय् जरूरी दु । जग्गा रैकर याःगु धइगु ४०-४१ सालनिसें ५६-५७ सालतक खनेदु, गुगु इलय् स्वनिगःया जग्गाया मू आनाया द्वःछि तू । रोपनीया हे लाख तका नं मथ्यं । अज्याःगु इलय् कोर कोर एरियाया जग्गा रैतानी यात । आः रोपनीया छगू लाख रुपैयाँय् चार रोपनी जग्गा रैतानी यानाः प्यंगू लाख रुपैयाँ कोषय् तयाः जात्रा न्ह्याकल । प्यंगू लाख वइगु ब्याजं जात्रा न्ह्याकेगु खँ सम्भव जुइगु हे मखु । धेबा थिकेय्

थौं गुठीया छक् नं जग्गा ल्यं दइमखु । सर्वोच्चं न्हूगु कानून दय्काः गुठीया जग्गा व्यवस्थापन मयाय्गु खःसा गुठी हे फुनावनी, अय्जुयाः रैतानी याय्मेत धइगु आदेश मब्यूगु खःसा आः जग्गा फुइधुंकूगु अवस्था जुइगु । गुठी ल्यंकेगु खःसा सरकार जक इमान्दार जुयाः मगाः, गुठी ल्यंकेमाः धाइपिं नं इमान्दार जुइमाः ।

उगु इलय् सरकारं दय्कूगु कानून जिमित पाय्छि मजू, मज्यू मधया । छुं मनूतय्सं थुकिं व्यक्तिगत रुपं लबः

नं नल । उकिं तप्यंक लिच्वः गुठीइ लात । संस्थानय् सरकारं धेबा बीगु मखु, जग्गा रैतानी जुयाः वःगु धेबा कोषय् तयाः उकिं वःगु ब्याजया भरय् गुठी न्ह्याकेबलय् माक्व ल्याखय् धेबा उपलब्ध याकेफइगु आधार गनं नं मदु ।

❧ गुठी विधेयकया सम्बन्धय् छिगु छु बिचाः दु ?

जि गुठी संस्थानय् वयागुया मूल कारण धयागु निता एजेण्डा दु । छगु ला जि न्हापानिसें संस्कृति सम्पदाया रक्षा याय्जुयाच्चनाम्ह मनू खःसा मेखे जि कानूनया विद्यार्थी नं खःगुलिं कानूनया ज्ञान दइ धइगु खँ जुल । जिगु बिचारय् गुठी विधेयक हय्माः । गुठी विधेयक हय्गु हे जिगु छगू मिसन खः । जिं निदैंतक गुठी विधेयक हय्मफुत । आः दछि ल्यं दनि । थुकी जिगु आज्ञु धइगु गुठी विधेयक हय्गु हे खः । भीथाय् छगू समस्या छु दु धाःसा गुठी विधेयक हय् हे मज्यू धाइगु छगू पक्ष दु । गुठी विधेयक मज्यू धयां जक मजिल । थ्व छाय् मज्यू धइगु नं स्पष्ट जुइमाः । मज्यू धाय्दइ तर कानून हे मयः धाय्मज्यू । भीत विधेयकय् छु खँ मयःगु खः, व धाय्माल । जिमित थ्व कानून हे मयः, मज्यू धाय्गु धइगु विद्यमान व्यवस्था वा कानूनयात हे लागू या धाःगु जूवनी । अथे धाय्गु धइगु गुठीया लागिं तसकं हानीकारक विषय खः । थुकिं भीत गुगु नं दृष्टिकोणं हीत याइमखु । गुकिं स्यंकेगु बाहेक भिंकीगु थाय् हे मदु । अय्जुयाः नं समयसापेक्ष थुकियात परिमार्जन याय्माः ।

गुठी संस्थानं स्वइगु धइगु मूलतः राजगुठीया ज्यात खः । भीथाय् निजी गुठीत नं दु । निजी गुठीया नं दक्वं ज्याखँत दिनाच्चंगु दु । स्वनिगलय् स्वय्गु खःसा निजी गुठी नेवाःतय्गु हे अप्वः दु । निजी गुठीया सम्पत्ति तकं रोक्काय् दु । थुकिं यानाः उमिसं गुठी न्ह्याकाच्चंगु दुकि मदु धइगु मेगु खँ जुल, सम्पत्ति रोक्का जूगुलिं नेवाःत विस्थापित जुयावंगु दु । थुकी भीसं बिचाः याय्माः ।

चुनाव न्ह्यःया सरकारया मन्त्रीतय्त नापलानाः गुठी विधेयकया सम्बन्धय् सहलह यानागु खः । उगु इलय् गुठी विधेयकय् दुगु निगू प्यंगू बुँदाय् संशोधन याःसा जनभावनायात कःधाइगु खँ तयागु खः । गुकीमन्त्रीज्यू नं सहमत जूगु खः । वय्कलं न्हूगु मस्यौदा तयार याय्त निर्देशन बियादिल । व हे कथं डाफ्ट नं तयार याना तर, समस्या धयागु व मस्यौदा तयार याइगु समितिइ गुठी आन्दोलनया नेतृत्व काःपिं सम्पदा अभियन्तात नं दुगु खः । वय्कःपिं छगू निगू बैठकय् नं उपस्थित जूगु खः । व धुंकाः बैठक न्ह्याःवनेमफुत । हाकनं डेडलक जुल । थुकथं सुनां मिले मजूगु ज्या याःगु दुसा मिले मजूगु खँ तय्माल । भीगु आवश्यकता छु खः ले सा ? थौं ७५/७६ सालं ८० सालय् थ्यनेधुंकल । कन्हय्या दिनय् गुठी जग्गा रोक्का जूगुलिं संवैधानिक रुपं कानुनी उपचार माःवंसा थुकियात जिमिसं थुकथं पनातय् फइमखु । आः थ्व सरकारया प्राथमिकताय् मलाःगु व थुकियात न्ह्यःने हःसा समाजय् द्वन्द्व



“ गुठी संस्थानं स्वइगु धइगु मूलतः राजगुठीया ज्यात खः । भीथाय् निजी गुठीत नं दु । निजी गुठीया नं दक्वं ज्याखँत दिनाच्चंगु दु । स्वनिगलय् स्वय्गु खःसा निजी गुठी नेवाःतय्गु हे अप्वः दु । निजी गुठीया सम्पत्ति तकं रोक्काय् दु । थुकिं यानाः उमिसं गुठी न्ह्याकाच्चंगु दुकि मदु धइगु मेगु खँ जुल, सम्पत्ति रोक्का जूगुलिं नेवाःत विस्थापित जुयावंगु दु । ”

ब्वलनी धकाः हे थुकियात पनातःगु दु । राज्य न्ह्याबलें थथे हे सुम्क ला च्वनीमखु । कन्हय् भीगु ल्हातं पिहांवनेधुंकाः हालां छुं जुइमखु । अय् जुयाः जिगु विशेष इनाप छु दु धाःसां भी छथाय् मुनाः सहलह याय् । जि गुठी संस्थानय् वय्धुंकाः गुठी विधेयकया बारे सहलह याय् धकाः संस्थागत रुपं सुनां नं धाःगु मदुनि । जि ला आः बहिस्कृत थें महसूस जुयाच्चंगु दु । थुकिं यानाः जुइगु बेफाइदा, थुकिं लाकीगु लिच्वः सुयात खः ले ? थुकिया लबः भीसं काय्माः । मज्यू जक धयाच्चनां जीमखु । दाज्या समस्या दु, तराईया समस्या दु । कन्हय्या दिनय् तराई च्यात धाःसा भीगु मुद्दाया सुनुवाइ जुइ कि जुइमखु धाय् फइमखु । थुकी लबिङ्ग याय्त जिं फुगु थासय्तक यंकेत जि तयार दु । थुकिं जितः लबः दइगु छुं नं मदु । जितः दइगु धइगु हे जनताया हित जुइगु कथं विधेयक हय्त ग्वहालि याय्खन धइगु आत्मसन्तुष्टी जक खः । जिं हया धइगु खँ जुइमखु । थ्व खँयात बिचाः याय्मफुत धाःसा भीगु आन्दोलन, भीगु माग गन थ्यनी, भीसं बिचाः याय्माः ।

❧ छि संस्थानयापाखें गुठी विधेयक हय्त गज्याःगु पहल यानादियागु दु ?

गुठी विधेयक संस्थानलिसे सम्बन्धित जूगुलिं संस्थानया राय जक बीगु खः । थुकिया विधेयक मन्त्रालयं हे तयार याइ । मन्त्रालयं तयार याःगु विधेयक कानून मन्त्रालयमार्फत् विधिसम्मत रुपं संसदय् दर्ता जुयाः ऐनया रुपं कानून जुइ । म्हिगः गुठी विधेयक तयार याःबलय् नं संस्थानयाके राय काःगु खः । उगु इलय् थुकी

आवश्यक सुधारया लागिं सुझावत छ्वःगु तर उकियात बेवास्ता याःगु धइगु खनेदु । मेखे सरोकारवालातलिसे यानाः जक न्ह्यःने यंकेत धाःसां हथासं दर्ता याय्त स्वःबलय् विरोध जूगु खः । व धुंकाः दय्कूगु मस्यौदा समितिया दुजःतय्सं भचा च्यूताः बियाः उकियात पूर्णता बीगुपाखे स्वःगु खःसा बांलाइगु खः । थःपिनिगु खँया सुनुवाई हे मजूगु खःसा जिमिसं थ्व कारणं समिति त्यागे यानाः धकाः धाःगु जूसां दक्वं जनतां सीगु खः । थ्व खँ ला जिं जक थुल । जिं आधिकारिक रुपं थ्व खँ पिने धाय् नं मजिल । आः नं जिं वइगु हिउँदे अधिवेशनय् थ्व विधेयक टेबुल याय्त छगू मस्यौदा समिति दय्केमाः धकाः मन्त्रालयय् मन्त्रीज्यू, सचिवज्यूपिलिसे लबिङ्ग यानाच्चनागु दु । थुकिया लागिं जनस्तरं नं ग्वहालि माः । थ्व विषयस ब्यापक सहलह याय्, बहस याय् । जि न्ह्याथाय् नं वयाः सहलह याय्त तयार दु । विधेयक हे हय्मखु धाय्गु खँय् गनं नं सुं नं सहमत जुइ फइमखु, जुइमज्यू ।

❧ दक्ले लिपा लहना वाःपौया ब्वमितय्त छिं छु धयादी ?

भीके तप्वः दु, गुगु स्वभाविक नं खः । छाय्धाःसा भी अतिकं पीडित जूगु दु । गुठी संस्थानय् वय्धुंकाः थ्व संस्थान नं भीगु हितया लागिं ज्या याय्गु संस्थान खः धइगु आभाष बीफःसा जिगु लागिं तःधंगु उपलब्धी जुइ । जिगु निर्दया कार्यकाल क्वचाःसां थुलि याय्फत धाय्फुगु अवस्था जिके मदु । भीसं थःगु खँत पाय्छि ढंगं माःथाय् थ्यंके फय्माः । कन्हय् मयाः धाय्गु स्वयां इलय् हे सम्बन्धित मनूयात छ्याता बियाः ज्या याकेत इनाप यानाच्चना ।

मिसा फुटबलं कयंगु आस



प्रजित शाक्य

अस्ट्रेलिया व न्युजिल्यान्डय् मिसा वर्ल्ड कप जुयाच्चंगु दु। वर्ल्ड कपय् हलिया बल्लाःगु ३२ पुचः म्हिताच्चंगु दु। वर्ल्डकप फुटबलय् नेपालं म्हितीगु असम्भव ताः। अथेखःसां मिसा वर्ल्ड कप फुटबलय् नेपाःया ब्वति यथार्थपरक खनेदु। थ्व हचुवाकथं धयागु मखु। नेपालं मिसा वर्ल्ड कप म्हितेफु धइगु छुं हुनित दु। मिसा वर्ल्डकपय् एसियाया निगू देय् भियतनाम व फिलिपन्स नं दु। थुपिं निगुलिं देय्यात नेपालं टक्कर ब्यूगु यक्व मदुनि। न्याला न्ह्यः नेपालं भियतनामलिसे मिसा ओलम्पिक फुटबल एसियन क्वालिफायरय् निगू कासा म्हितल। भियतनामनापया निगुलिं कासाय् नेपाल बुत। अथेखःसां भियतनामनाप नेपाःया मिसा फुटबलरतय्सं नुग त्याकेगु कासा क्यन। निगू कासाय् हे नेपालं भियतनामयात कडा टक्कर ब्यूगु खः।

२२ ला न्ह्यः उज्बेकिस्तानय् जुगु एएफसी मिसा एसियन कप २०२२ क्वालिफायरय् ला फिलिपिन्सयात नेपालं बुके हे त्यंगु खः। कासाया लिपांगु ईतक नं १-० गोलं न्ह्यःने लाःगु नेपाल कासा सिधय्त्यय्काः निगू गोल नयाः निराश जुल। अफ्र व कासाय् घाःपाः जुगु हुनि नेपालया प्रमुख स्ट्राइकर सावित्रा भण्डारी साम्बाया उपस्थिति मखुगु खः। अय्जुयाः बांलाःक सुसाःकुसाः दःसा नेपालं मिसा विश्वकप फुटबल म्हितेफइ धकाः धाय्फइ।

न्हापा नेपालया आज्जु दक्षिण एसिया खः। तर आः नेपालया मिसा फुटबल टिम दक्षिण एसियां थहाँ वय्गु ई जुइधुकूगु दु। दछि नं मदुनि, नेपालं भारतयात खुक्वःगु साफ मिसा च्याम्पियन्सीपय् बुकाः फाइनल दुहांवंगु। गुगु कासां दक्षिण एसियाली मिसा फुटबलय् भारतया वर्चस्व क्वाःगु खः। भारत थ्वयां न्ह्यःया न्यागुलिं संस्करणया च्याम्पियन खः। नेपाल धाःसा न्याक्वःमध्ये प्यक्वः फाइनलय् भारतलिसे बूगु खः। खय्तला नेपालं साफया खुक्वःगु संस्करणय् नं उपाधि त्याकेमफुत। नेपाल फाइनलय् बङ्गलादेशलिसे स्तब्ध जुल। गुगु नेपालया मिसा फुटबल टिम बङ्गलादेशलिसे आःतक बूगु छू हे जक कासा खः। तर थ्व वालय् बङ्गलादेशयात वयागु हे भूमिइ जुगु निगू कासाया अन्तर्राष्ट्रिय मैत्री शृ लाय् बुकाः नेपाल व हारया ब्वला सालेधुकूगु दु।



नेपालं दक्षिण एसियाया राष्ट्र जक मखु, कुवेत, इरान, काजखस्तानयात नं अःपुक हे बुकेधुकल। नेपालया मिसा फुटबल टिम ओलम्पिक ल्यज्याया निगूगु चरणय् थ्यनेधुकूगु दु। आः फुटबल विश्लेषकतय्सं मिजं फुटबल टिमं स्वयां मिसा फुटबल टिमं नेपालयात यक्व अन्तर्राष्ट्रिय सफलता बीगु खँ ल्हानाच्चंगु दु। नेपाली मिसा फुटबल टिमया प्रशिक्षक अनन्तराज थापाया धापू न्येनेगु खःसा थ्व टिम नेपाली मिसा फुटबलया गोल्डेन जेनेरेसन खः। बांलाक एक्सपोजर बियाः सुसाःकुसाः याय्फःसा थ्व पुस्तां नेपाली मिसा फुटबलयात तःगू हे उपलब्धि बी।

नेपाली मिसा फुटबलया प्रगति जूगुलिइ नेपाल आर्मी, नेपाल पुलिस व एपीएफ थुज्वःगु विभागीय टिमयात श्रेय बीमाः। आर्मी, पुलिस व एपीएफ मिसा फुटबलरयात १२लाय् हे अभ्यासय् तथाः उमिगु स्तर थकाःगु दु। आः नेपालया थ्व स्वंगू फुटबल टिम दथुइ तःधंगु धेधे बल्लाः जुइगु यँ। लिपांगु मिसा फुटबल लिगय् एपीएफ च्याम्पियन जुल। आर्मी क्लब ल्यू व पुलिस क्लब लियांल्यू लात। थुगुसी नगरपालिकाया टिम नं स्तरीय खनेदत। नगरपालिकाया टिमं विदेशी कासामि नं म्हितकूगु खःसा नेपाली मिसा फुटबलय् विदेशी कासामि म्हितूगु न्हापांगु खुसी खः।

आः नेपाली फुटबलया सर्वोच्च संस्था एन्फां नं मिसा फुटबलयात विशेष प्राथमिकताय् तःगु दु धाइ। एन्फा नायः पंकज नेम्वाङ नेपालया मिसा फुटबलया बांलाःगु भविष्य खंगुलिं याकनं हे मिसा फुटबलया लागिं मिसन विश्वकप २०२७-३१ प्रोजेक्ट न्ह्याकेगु धयादीगु दु। नायः नेम्वाङ धाःथें मिसा फुटबल विशेष प्राथमिकताय् लाःसा नेपाली मिसा फुटबलया विश्वकप म्हितेगु आज्जु पूमवनी धाय्फइमखु।

नेपाल मिसा फुटबलयात अफ्र बांलाकेत घरेलु संरचना अफ्र बल्लाय्माः। एन्फां लिपांगु खुसी

याय्माः। नेपाली मिसा फुटबलर दक्षिण एसियाया मिसा लिगय् मज्जां चुइ। थुगुसीया भारतीय मिसा लिगय् नेपालया खुम्ह कासामि सावित्रा, रेखा पौडेल, सरु लिम्बु, रेणुका नगरकोटी, अनिता केसी, एन्जला सुब्बा तुम्बहाफें म्हितूगु खः। सावित्रां ला भिगू कासाय् २९ गोल यानाः तहल्का हे हल। लिच्वः कथं वय्कः युरोपेली क्लबया मिखाय् नं लात। थौकन्हय् जक हे नेपालया स्ट्राइकर सावित्रा इजरायलया क्लब होपाइल रानानाय् अनुबन्धित जूगु दु। वय्कलं आः युरोपेली फुटबलया सवाः काइ। अज्याःगु हे ह्वःताः मेपिं मिसा कासामियात चूलाःसा नेपाली मिसा टिमया कायापलटन जुइगुलिइ शंकाः



राष्ट्रिय लिग हे दथुइ क्वाचाय्कूगु दृष्टान्त नं भीके मदुगु मखु। मिसा फुटबल टिमयात दक्षिण एसियां पिनेया बल्लाःगु टिमलिसे लगातार म्हितकेगु लकस तयार याय्माः। थ्व बाहेक कासामितय् नं विदेशी लिगय् म्हितकेत पहल

याय्म्वाः। खय्तला नेपाली फुटबलरया हकय् मिजं स्वयां मिसा कासामि हे विदेशी लिगय् चुइगु सम्भावना अफ्रः। तर थुकिंया लागिं थुपिं कासामि लगातार म्हितेदय्माल। अले जक थुपिं कासामि विदेशी क्लबया मिखाय् लाइ।

Binod Maharjan
9841369552, 9808644666

बि.आर्ट्स

B. Arts

Nayabazar, Kirtipur-37

- ★ Banner, Flex Board
- ★ Glow Sign Board
- ★ Sticker Cutting / Printing
- ★ Screen / Rubber Print
- ★ Self-ink / Rubber Stamp
- ★ PVC (ID) / Visiting Card
- & all kinds of press works

Nayabazar, Kirtipur
☎ 4335491, ✉ b.arts4335491@hotmail.com

100% Vegetarian

Sweet Cave

Sweets - Namkeen - Fast Food

Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस्।

आउटडोर भेज क्याटरिङ पनि गरिन्छ।

हरर संकिपा ‘अपीच्य’या टिजर सार्वजनिक



नेपाली हरर श्रीलर संकिपा ‘अपीच्य’या टिजर सार्वजनिक जूगु दु। प्रदीप खड्गीया निर्देशनय् निर्माण जूगु संकिपा ‘अपीच्य’या टिजर ‘इन्टरटेन्मेन्ट नेपाली टिभी’ यूट्युब च्यानल सार्वजनिक या:गु खः।

संकिपाया टिजर सार्वजनिकयासँ निर्देशक खड्गी संकिपा याकन हे देय्न्त्यकया सिनेमा हलय् क्यनेत्यनागु जानकारी बियादिल। ‘अपीच्य’ अर्थात रहस्य, रहस्य दुने ततःमतः क्यनाच्वंगु बाखनय् निर्माण जूगु जुयाः

संकिपाया नां ‘अपीच्य’ तयागु खः खड्गीया धापू दु।

संकिपाय् लक्ष्मीकुमार महर्जन, सनीश शाक्य, सलोना बज्राचार्य, सुरज व्यञ्जनकार, रवि गिरी, रचना सिंह, सुरेन्द्र मानन्धर, कृष्णभक्त महर्जन, राजेन्द्रकुमार महर्जन राजी, विनेश श्रेष्ठ, लुनिभाः खड्गी, लक्ष्मीनाथ मदगैया आदि कलाकारं म्हितूगु दु। डेल्टा मल्टिमिडिया प्रोडक्सनया ब्यानरय् निर्माण जूगु संकिपाया भाइकाजी महर्जन ‘नयन’ कार्यकारी निर्माता खः। संकिपाय् रविन डंगोल व आयुष महर्जनया छायाङ्कन, विनेश श्रेष्ठया कला निर्देशन, सुशील राजोपाध्यायया बाखं सम्पादन दु।

न्हर्दै समारोह समितिं शंखधर प्रतिष्ठानय्

नेपाल संवत् राष्ट्रिय न्हर्दै समारोह समिति ११४३ या दुजःतय्सं राष्ट्रिय विभूति शंखधर साख्वाः प्रतिष्ठानया निरीक्षण या:गु दु। समारोह समितिया नायः प्रा.डा.नरेशमान बज्राचार्यया नेतृत्वय् समितिया पुचलं प्रतिष्ठानया ज्याकू थिमिइ वनाः निरीक्षण या:गु खः। निरीक्षण भ्रमणय् वःपिन्त प्रतिष्ठानया नायः ज्ञानुराम श्रेष्ठ लसकुस यासँ प्रतिष्ठानया आज्जुलिसँ प्रतिष्ठान आःतक याय्धुंकूगु ज्याखँयात कयाः जानकारी बियादीगु खः।

ज्याइवलय् समारोह समितिया



नायः प्रा. डा. बज्राचार्य थिमिइ पलिस्था यानातःगु शंखधरया इवाताय् खादा न्यय्काः राष्ट्रिय विभूति शंखधरं

यानादीगु ज्याखँयात स्मरण यासँ शंखधरया प्रचारप्रसार ब्यापक रुपं याय्माःगु बिचाः प्वकादीगु खः।

म्येहालामि शाक्यया निपु म्यूजिक भिडियो सार्वजनिक



म्येहालामि रविन्द्र बीर शाक्यया निपु म्यूजिक भिडियो छक्वल सार्वजनिक जूगु दु। यलय् शुक्रबाः जूगु छगू ज्याइवलय् शाक्यया म्ये ‘ख्वबि त्याय् कयाः’ व बुद्ध भजन ‘वनेवा वनेवा भीपि’ सार्वजनिक या:गु खः। ज्याइवलय् नेपालभाषा एकेडमिया चान्सलर यज्ञरत्न धाख्वाल निपुं म्ये सार्वजनिक यानादिल। ज्याइवलय् म्ये सार्वजनिक जूगुलिसँ निपुं म्ये संसार

अनलाइन टिभि युट्युब च्यानलमार्फत विश्वव्यापी सार्वजनिक जूगु दु।

नुगःखँया इवलय् एकेडमिया चान्सलर धाख्वाल संगीत कला ख्यःया जक मखसँ, भाषा, साहित्य व समग्र समुदायया हे उत्थानय् योगदान बीगु बिचाः तयादिल। वरिष्ठ संगीतकार अमरराज राजोपाध्याय व वरिष्ठ सिने पत्रकार विजयरत्न असंबरे म्ये व म्यूजिक भिडियोय् दक्क कलाकार,

प्राविधिकया मिहिनेत यच्चुक खनेदुगु धासँ म्येया प्रशंसा यानादिल। संसार गुपया क्रिएटिभ डाइरेक्टर स्वतन्त्र संसार महर्जन व दुजः मनोज महर्जन कला व कलाकारया उत्थान, प्रवर्द्धनया लागिं संसार गुपं थीथी ज्याइवः व गतिविधि यानावयागु जानकारी बियादिल।

सार्वजनिक जूगु निपुं म्येय् अमरराज राजोपाध्याय लय् तयादीगु दुसा ‘ख्वबि त्याय् कयाः’ या रचनाकार अनिक शाक्य व ‘वनेवा वनेवा भीपि’या रचनाकार विद्याभूषण बज्राचार्य खः। सनम कुमार श्रेष्ठ निर्देशन यानादीगु निपुं म्येया म्यूजिक भिडियोया कलरिंग, व छायाङ्कन अमर चित्रकारं यानादीगु दुसा ‘ख्वबि त्याय् कयाः’या दृश्य सम्पादन नं यानादीगु दु। ‘वनेवा वनेवा भीपि’ या म्यूजिक भिडियोया दृश्य सम्पादन धाःसा दिगन्त शाक्यं यानादीगु दु।

नागरिकता....

जुइमफूगु घोषणा याय्माःगु व्यवस्था या:गु दु। अज्याःगु स्वघोषणा यानाः वंशजया नागरिकता काःमह मनुया अबु विदेशी ठहर जूसा उगु नागरिकता रह जुइ। तर अज्याःमह मनुखं अंगीकृत काय्खनी। छायाःसा नेपाली मिसा नागरिक विदेशी भाःतपाखें बुइकूम्ह सन्तानं अंगीकृत नागरिकता काय्खनीगु व्यवस्था संविधानं या:गु दु। ऐनय् विदेशी भाःतपाखें नेपाली मामं बुइकूम्ह सन्तानं अंगीकृत नागरिकता काय् त नं नेपालय् बूगु, नेपालय् हे बसोबास या:गु

व अबुया देय्या नागरिकता मकाःगु जुइमाः। विदेशी नागरिक व नेपाली मिसा नागरिकपाखें नेपालय् बूम्ह मनुखं नागरिकता काइबलय् वया अबु व मां निम्हेसिन नेपाली नागरिकता काःगु अवस्थाय् धाःसा वंशजया लिधंसाय् नागरिकता बीगु व्यवस्था दु।

ऐन विदेशय् दुम्ह सुं नं नेपालीया अबु वा मां, बाज्या वा बज्ये साविकय् नेपालया नागरिक खःगु प्रमाण दुसा अज्याःमह मनुखं गैरआवासीय नागरिकता प्राप्त याइ। तर सार्क देशय् दुम्ह व बसोबास याःमह नागरिक अज्याःगु

नागरिकता प्राप्त याय् फइमखु। गृह मन्त्रालयया कथं नियमावली मस्यौदाया ज्या लिपांगु चरणय् थ्यनेधुंकुगु दु। कानुन व परराष्ट्र मन्त्रालयया सुझाव काय्धुंकाः मन्त्रिपरिषद्या मुँज्यां नियमावली पारित याइ। गैरआवासीय नेपाली नागरिकता लागिं तर्क नागरिकता प्रमाणपत्रया व्यवस्था दुगुलिं परराष्ट्र मन्त्रालयय् तर्क नियमावली छ्वयगु बारे गृहय् सहलह जूगु दु। मखूगु विवरण बियाः नागरिकता काःसा जरिवानाया व्यवस्था दुगुलिं अर्थ मन्त्रालयलिसे नं राय काय्गु तयारी गृहया अधिकारीतय् दु।

न्यू जेनिथय् स्वँया परीक्षण



न्यूजेनिथ इङ्गलिस मोडल स्कूलया रजत जयन्तीया लसताय् ब्वनेकुथिइ स्वँया निःशुल्क परीक्षण या:गु दु।

नेपालभाषा साहित्य तःमुँज्या यँया समन्वय व ख्वप अस्पतालया प्राविधिक ग्वाहालि जूगु ज्याइवलय्

१५७ मह स्थानीयबासी व ब्वनेकुथिलिसे स्वापू दुपिसं परीक्षण याकूगु ब्वनेकुथिया प्रिन्सिपल राजु महर्जन कनादीगु दु।

थुगु ब्वनेकुथि न्हापा न्हापा नं इलय्ब्यलय् थीथी कथंया स्वास्थ्य शिविरत न्ह्याका वयाच्वंगु दु।

शाक्य सुरेन डब्लूएनओया केन्द्रीय न्वकू

हलिं नेवाः दबूया न्यूयोर्कय् जूगु केन्द्रीय समितिया मुँज्यां नेपाःया पूर्वनायः शाक्य सुरेनयात केन्द्रीय न्वकू मनोनित या:गु दु।

दबूया केन्द्रीय नायः संयुक्त श्रेष्ठ छगू पत्र जारी यासँ भाजु शाक्ययात जुन २७, २०२३ या मुँज्याया क्वःछिनाकथं उखुन्हुनिसँ हे कार्यान्वयन जुइकथं न्वकू मनोनित जूगु सुचं ब्यूगु खः।



उपप्रमुख सुनिता...

यानागु दु ला ?’ धकाःन्हयसःतयादीगु खः।

उकिया लिसलय् ब्वँमिपिसं ‘न्हगु छँ वा भवन दयेकाच्वंगु खनीबलय् उकिया प्लम्बिडया ज्या थम्हं यायेफु’ धइगु महसुस जूगु प्रतिक्रिया बिउगु खः। ब्वँमिपिनिगु खँ न्यनाः उपप्रमुख डंगोल ‘बुक फ्रि फ्राइडे’ ज्याइवः अन्तर्गत शिक्षाय् सीप सयेकेगु ज्याइवःपाखें थःपिसं थुकथंया हे अपेक्षा यानागु प्रतिक्रिया बियादीगु दु। ‘थ्व छगू जक विधाया खँ जुल, मेमेगु विधाय् नं ब्वँमिपिनिगु आत्मविश्वास अप्वया वन धाःसा इमिसं माध्यमिक तहया शिक्षा पूर्वके धुंकाः थःत उद्यमशीलताया निरति योग्य जूगु महसुस याये फइ’, वय्कःया धापू दु।

४ वडाअध्यक्ष दिनेश महर्जन,

यँ महानगर शिक्षा विभागया प्रमुख सीताराम कोइराला लगायतया पुचलं ब्वनेकुथिइ निरीक्षण यायेत वंगु इलय् ब्वँमिपि हुलाप्याखं, सिलाई बुनाई, चित्रकला, पाककला लगायत थीथी क्रियाकलापय् व्यस्त जुयाच्वंगु खः। अथे हे ब्वनेकुथिया कम्प्युटर त्याबय् चिचिधिकःपिं मस्त मचा बाखंया लिधंसाय् तयार यानातःगु संकिपा स्वयाच्वंगु खःसा च्वय्या तांग्या ब्वँमिपि ब्वनेकुथिया सभाकक्षय् राजनीतिक पृष्ठभूमिइ निर्माण यानातःगु ‘सेतो बाघ’ संकिपा स्वयाच्वंगु खः।

विभागया प्रमुख कोइराला सीप शिक्षाय् प्लम्बिडया ९० घन्टाया तालिम पूर्वकेधुंकूगु धासँ न्हापांगु चरणय् ८० गू पुचःयात तालिम बियागु व थुनियात निरन्तरता बिया वनेगु जुइ धयादिल।

हरेक मंगलवार

राष्ट्रियताको लागि समर्पित



मेरो साप्ताहिक

मन्त्र साप्ताहिक Mero Saptahik

मालाः मालाः ब्वनादिसँ।

छत्रपाटी चिकित्सालयया न्हूगु ज्यासना पुचःया शपथ ग्रहण



छत्रपाटी निःशुल्क चिकित्सालयय न्हूगु ज्यासना पुचःपाखे शपथ ग्रहण याःगु दु । वंगु २०८० बैशाख १६ गते जूगु निर्वाचनय निर्वाचित न्हूगु ज्यासना पुचःपाखे शपथ ग्रहण नापं कार्यभार हस्तान्तरण याःगु खः । ज्याभूवल्य निर्वाचन आयुक्त वरिष्ठ अधिवक्ता विश्वराज भट्टराई नवनिर्वाचित पदाधिकारी व दुजःतयूत शपथ ग्रहण याकूगु खःसा पुलाम्ह नायः बिजय बहादुर माली भित्तुना बियादीगु खः ।

न्हूगु कार्य समितिया अध्यक्ष डा. मनोजमान श्रेष्ठ, उपाध्यक्ष्य कुमारदेव मानन्धर, महासचिवय डा.कृष्तिना श्रेष्ठ, सचिवय जगदीश माली, कोषाध्यक्ष्य लहना श्रेष्ठ, सह कोषाध्यक्ष्य कृष्ण प्रसाद मानन्धर निर्वाचित जूगु खः ।

अथेहे दुजलय नविन मानन्धर, डा.निरन महर्जन, सुमनकृष्ण श्रेष्ठ, जुजुकाजी महर्जन, सुरज श्रेष्ठ व डि.एल चन्द्र मानन्धर निर्वाचित जूगु खः । न्हूगु ज्यासना पुचःया मुँज्या सजनी जोशी, कपिल श्रेष्ठ व डा. सन्तोष मानन्धरयात मेडिकल डाईरेक्टरय मनोनित याःगु दु ।

राससय नं नेपालभाषा बुखँ



नेवाः समुदायया ज्याइवःयात जनमानस हयूत नीस्वंगु नेवाः सूचना केन्द्रया खुक्कःगु दैमुज्या जुल ।

ज्याइवल्य मुपाहाँ कथं राससया नायब महाप्रबन्धक राजु शाक्य राससया भावि लक्ष्यकथं नेपालभाषा व मैथिल भाषायात प्राथमिकता बिइगु कोशिश जुयाच्चंगु जानकारी बियादिल ।

वय्कलं सूचना केन्द्रं यानाच्चंगु ज्यायात कदर यानाः थुनियात आर्थिक रुपं बल्लाकेत सकलसिन ग्वाहालि याय्माः धयादिल ।

नेवाः सूचना केन्द्रं नेवाः समुदायया ज्याइवः लाइभ प्रसारण यानाः सुचं प्रवाह यायूत टेवाः वियाच्चंगु दु धासैं थुगु केन्द्रं लिपाभन अप्व प्रगति यानाः नेवाः समुदायया हकहितयात टेवा बिइ फय्मा धकाः हलिं नेवाः दबू

नेपाः च्याप्टरया नायः सुरेन्द्र भक्त श्रेष्ठं भित्तुना देछानादिल ।

मेम्ह पाहाँ नेपाल संवत् न्हुदँ राष्ट्रिय समारोह समिति ११४३ या नायः प्रा.डा. नरेशमान बज्राचार्य थुगु केन्द्रं ओम्बेलेय लानाच्चपिं समुदायपिं न्ह्यःने हयूत तिबः ब्यूगु धयादिल ।

अथेहे वरिष्ठ पत्रकार सुरेश किरण मानन्धर नेवाः सूचना केन्द्रं यानाच्चंगु ज्या भीसं सुरक्षित यायूफत धाःसा इतिहास दुवालीपिन्त तिबः जुइगु नापं ज्याइवः लाइभ यानातःगु भिडियोत अर्काइभ याय्माः धयादिल ।

नेवाः सूचना केन्द्रया नायः रिमिता बज्राचार्यया सभानायःसुइ जूगु ज्याइवल्य थीथी नेवाः समुदाययात मतिना याइपिं व्यक्तिवपिन्त लुमंकेगु ज्या नं याःगु खः ।

डेंगीबाट बचौं

- उच्च ज्वरो आउनु ।
- जोर्नी र मांशपेशीहरूमा असह्य पीडा हुनु ।
- आँखाको गेडी दुख्नु ।
- अत्याधिक टाउको दुख्नु ।
- शरीरमा राता बिमिराहरू आउनु ।
- वाकवाकी लाग्नु वा वान्ता हुनु ।

यस्ता लक्षणहरू देखापरेमा डेंगी हुन सक्छ । तत्काल चिकित्सक वा स्वास्थ्यकर्मीको सल्लाह लिऔं ।



नेपाल सरकार

विज्ञापन बोर्ड

उत्कृष्ट गुण सामानहरू डेरी, मासु, बेकरी उद्योगकालागि महिने उपकरणहरू, प्याकिङ मेसिन, प्याकिङ मेटेरियलहरू, विविध केमिहलहरू तथा विविध औद्योगिक उपकरणहरू ।

उत्कृष्ट प्याकिङ मेसिन **मिडिकल मेसिन** **ऑटोमेटिक सिन्क ड्रिप्टर रेट**

मिल्क क्यान **क्रिम सेपरेटर मेसिन** **प्लेट चिलर**

श्रेष्ठ ट्रेड मेडिया

श्री लाल मजु, १३ टंकेश्वर (छत्रपाटी जाने बिष्णुमति पुलसंगै), काठमाडौं । फोन : ८२७०६८६/९८५१०८८५४२
Email: laltc@wlink.com.np, lal265shrestha@gmail.com, laltc@hotmail.com
A House of Dairy Equipment & Chemicals
साला डेरी उद्योग सञ्चालन गर्न आवश्यक प्राविधिक तथा आर्थिक सल्लाह

छत्रपाटी निःशुल्क चिकित्सालय (अस्पताल)

उपलब्ध सेवा

२४ घण्टा सेवा

- इमरजेन्सी
- प्याथोलोजी
- एक्स रे
- ई.सी.जी
- औषधि पसल
- अन्तरंग सेवा

शल्यक्रिया

- मोडिबिन्
- अमरन सक्ने
- नाक काट घाँटी सम्बन्ध
- हाडको ठाँव तथा सम्बन्ध
- बिना चिरफार फिल्ल नलीको फलर सम्बन्ध

बहिरंग सेवा

- मृद रोग
- पीट रोग
- प्युरीजी
- स्की रोग
- बाल रोग
- क्यान्सर रोग
- बन्त रोग
- अपिडा रोग
- जन्मरत मेडिसिन
- बन्त तथा ग्रीम रोग
- नाक काट घाँटी रोग
- जन्मरत हेल्थ चेक अप
- बाइरोइड
- मधुमेह

मेमेगु सेवा

- डेरिड
- इण्डोस्कोपी
- कोलोनोस्कोपी
- फिजियोथेरापी
- अल्ट्रासाउण्ड, इमर ट्विनर र इको
- प्युरोथेसी सारको दन्त प्रयोगशाला
- टिएमए, इन्टर

२४ घण्टा इमरजेन्सी सेवा

७०८ गंगालाल मार्ग, छत्रपाटी, काठमाडौं, फोन: ४२१६१३८, ४२५७९११, ४२६६२२९,

अध्यक्ष, प्रधान सम्पादक नापं लहना मिडियाया निरति प्रकाशक : नृपेन्द्रलाल श्रेष्ठ (९८५१०९८०९५) • सम्पादक : जुजुमान महर्जन • कार्यकारी सम्पादक : सुरेन्द्रभक्त श्रेष्ठ (९८५१०९९४७२), खुसिबुँ, यैं ।

email: lahanaweekly@gmail.com • लेआउट : सुर संसार मिडिया, ओन्दे, ०१५-९०९२५० • मुद्रक : स्वेतकाली छापाखाना, यैं ।